



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
OPĆINSKI NAČELNIK

Na osnovu člana 15. Zakona o principima lokalne samouprave u Federaciji Bosne i Hercegovine („Sl. Novine Federacije Bosne i Hercegovine“, br. 49/06 i 51/09) i člana 69. Statuta Općine Centar-Prečišćeni tekst („Sl. novine Kantona Sarajevo“, broj 23/04), Općinski načelnik objavljuje

JAVNI POZIV
za dizajn zaštitne ograde uz korito rijeke Miljacke,
na potezu od Ajfelovog mosta na Skenderiji do mosta Čobanija

I OPĆI USLOVI

Investitor i raspisivač poziva: Općina Centar Sarajevo, Mis Irbina broj 1, koju zastupa Općinski načelnik prof.dr. Nedžad Ajnadžić

Organizator i provoditelj poziva: Općina Centar Sarajevo, Služba za urbanizam i zaštitu okoliša i Služba za investicije komunalni razvoj i planiranje.

Predmet: Izrada Idejnog rješenja zaštitne ograde

Svrha i cilj: Prikupljanje kvalitetnih i stručno izrađenih idejnih rješenja za dizajn zaštitne ograde uz korito rijeke Miljacke, na potezu od Ajfelovog mosta na Skenderiji do mosta Čobanija.

Pravo učešća: Imaju svi redovni, redovni -samofinansirajući vanredni studenti Akademije likovnih umjetnosti, Arhitektonskog fakulteta i Mašinskog fakulteta Univerziteta u Sarajevu, bilo da se javljaju samostalno ili u okviru autorske grupe. Članovi autorske grupe ne moraju biti sa istog fakulteta Univerziteta u Sarajevu. Svaki od učesnika, pojedinac ili grupa ima prvo sudjelovanja na ovom pozivu samo sa jednim radom.

Ponuđači - fizička lica - studenti: kopija prve stranice indexa i stranice trenutnog semestra u koji je student upisan ili potvrda sa fakulteta o redovnom, redovnom-samofinansirajućem ili vanrednom studiju. Kopija/ potvrda se prilaže uz prijavni obrazac.

II PROCEDURA REGISTRACIJE I PRIHVATANJE USLOVA POZIVA

Registracija za učešće na pozivu vrši se popunjavanjem obrasca Prijava na poziv: „Idejno rješenje dizajna zaštitne ograde uz korito rijeke Miljacke, na potezu od Ajfelovog mosta na Skenderiji do mosta Čobanija“, koji se može preuzeti sa web stranice Općine Centar .

III DOKUMENTACIJA

Raspisivač poziva stavlja kandidatima na raspolaganje slijedeću dokumentaciju:

OPĆI DIO

- Projektni zadatak
- Prijava na poziv: „Idejno rješenje dizajna zaštitne ograde uz korito rijeke Miljacke, na potezu od Ajfelovog mosta na Skenderiji do mosta Čobanija“,obrazac
- Kriterij ocjenjivanja prijavljenih radova

GRAFIČKI PRILOZI

- Izvod iz katastarskog operata Općine Centar Sarajevo
- Izvod iz detaljnog planskog dokumenta RP-a „Čobanija“
- Satelitski snimci lokacije

Pozivna dokumentacija pripremljena je u digitalnom formatu, a kandidati istu mogu preuzeti na web stranici Općine Centar www.centar.ba.

IV ROKOVI

Poziv je otvoren 45 dana od dana objavljivanja na web stranici. Pozivne radove je potrebno predati na Protokol Općine Centar do 31.5.2019.godine do 16,00 sati.

Sva pitanja i dodatne informacije mogu se postaviti Služba za urbanizam i zaštitu okoliša i Služba za investicije komunalni razvoj i planiranje, do 21.5.2019. godine do 16,00 sati na e-mail adrese:

- investicije@centar.ba
- urbanizam@centar.ba

V KOMISIJA ZA IZBOR

Komisiju za izbor će imenovati Općina Centar Sarajevo, a ista će biti sačinjena od predstavnika Službe za urbanizam i zaštitu okoliša, Službe za investicije komunalni razvoj i planiranje i predstavnika Savjeta općinskog načelnika za urbanizam i prostorno planiranje. Tehnička evaluacija biti će provedena u periodu od 03.6. – 07.6.2019. godine. Komisija za izbor će donijeti finalnu odluku na događaju za izbor najboljeg dizajna. Odluka o dodijeljenim nagradama, kao i obavještenje o terminu i mjestu održavanja prezentacije najboljih pozivnih radova, prema odabiru Komisije, objavit će se na web stranici Općine: www.centar.ba

VI KRITERIJI ZA OCJENJIVANJE

Pored usklađenosti prispjelih radova sa uslovima Poziva (u pogledu sadržaja i rokova), Komisija za izbor će pristupiti njihovom ocjenjivanju i vrednovanju na osnovu kriterija koji su unaprijed definisani u dokumentu „Kriteriji ocjenjivanja pristiglih radova“, a koji je dostupan na web stranici Općine Centar Sarajevo.

Kriteriji ocjenjivanja zasnovan na principima:

- konceptualne vrijednosti rješenja,
- arhitektonski izraz i jasan konstruktivni koncept dizajna,
- inovativni karakter rješenja,
- funkcionalne, oblikovne i prostorne kvalitete rješenja,
- ekonomičnost rješenja.

Komisija za izbor neće uzeti u razmatranje pozivne radova ako isti nisu dostavljeni u pozivom predviđenom vremenskom roku i ako ne ispunjavaju uslove poziva.

VII NAGRADE

Odlukom Komisije dodijelit će se tri nagrade, u vrijednosti od po 500,00 KM.

VIII SADRŽAJ RADA

Idejno rješenje treba da sadrži sljedeće tekstualne i grafičke priloge:

1. analiza postojećeg stanja,
2. obrazloženje koncepta idejnog rješenja,
3. grafički prilozi sa skicama (aplikanti treba da u slobodnoj formi predstave svoje kreativne ideje, jasnošću izražaja i najboljim odnosom između predloženog rješenja i postojećeg ambijenta, te sa definisanom materijalizacijom i načinom implementacije ponuđenog rješenja u postojeće okruženje, kao i odnos finansijske vrijednosti projekta i dobijenog efekta).

IX OPREMA POZIVNOG RADA

Svi prilozi pozivnih radova trebaju biti dostavljeni u analognoj i digitalnoj formi.

X ZAVRŠNE ODREDBE

Prijavlivanjem rada autor pristaje na uslove poziva, na javno izlaganje svog rješenja i publiciranje rada. Učesnik je za sve vrijeme trajanja poziva dužan držati svoj rad anonimnim, do objave rezultata.

Grafičku dokumentaciju priloženu u podlogama poziva, učesnici smiju koristiti isključivo u svrhu izrade ovog rada.

Iz ovog poziva isključit će se radovi:

- predani poslije roka navedenog u javnom pozivu,

- koji ne sadrže priloge navedene u poglavlju SADRŽAJ RADA.

Autori radova koji su prošli evaluaciju će, po završetku poziva, biti pozvani da prezentiraju idejno rješenje dizajna na javnoj prezentaciji najboljih radova, na događaju izbora za najbolji dizajn.

Raspisivač poziva će, po završetku poziva, pozivne radove prezentirati putem:

- objave rezultata,
- javne prezentacije najboljih radova,
- javne izložbe u medijima i na web stranici Općine Centar Sarajevo.

Raspisivač i provoditelj poziva ne odgovaraju za oštećenja radova nastala radom Komisije za izbor.

Učesnici prihvataju uslove ovog poziva činom predaje popunjenog Prijavnog obrasca i svog predloženog rješenja. Nagrađeni radovi su sa stanovišta autorskih, imovinskih prava, vlasništvo Raspisivača.

Autori nagrađenih pozivnih radova polažu prava na nagrađene radove samo po osnovu autorskih, moralnih prava.

Prijava kandidata na poziv za izradu idejnog rješenja dizajna zaštitne ograde uz korito rijeke Miljacke, na potezu od Ajfelovog mosta na Skenderiji do mosta Čobanija, podrazumijeva pristanak na korištenje ličnih podataka, u skladu sa Zakonom o zaštiti ličnih podataka.